



# MAJLIS PEPERIKSAAN MALAYSIA

## PANDUAN PENDAFTARAN CALON

### SIJIL TINGGI PERSEKOLAHAN MALAYSIA (STPM) 2021

**UNTUK  
JABATAN PENDIDIKAN NEGERI/  
PEJABAT PENDIDIKAN DAERAH/  
SEKOLAH/INSTITUSI**

MAJLIS PEPERIKSAAN MALAYSIA  
BANDAR BARU SELAYANG

EDISI 13 JULAI 2020



**ARAHAN DAN PANDUAN PENDAFTARAN CALON  
PEPERIKSAAN SIJIL TINGGI PERSEKOLAHAN MALAYSIA (STPM) 2021**

**Isi Kandungan**

	<b>Halaman</b>
1. Tarikh-tarikh Penting Pendaftaran STPM 2021 (Semester 1)	3
2. Syarat kelayakan untuk Menduduki Peperiksaan	5
3. Mata Pelajaran yang Ditawarkan	6
4. Pemilihan Mata Pelajaran	7
5. Kerja Kursus (KK)	7
6. Bayaran Peperiksaan	8
7. Cara Pendaftaran Calon Peperiksaan	9
7.1 Calon sekolah/institusi	
7.2 Calon persendirian individu	
8. Calon Istimewa	11
9. Tarikh Pendaftaran dan Tarikh Peperiksaan	11

**1. TARIKH-TARIKH PENTING PENDAFTARAN CALON STPM 2021 (Semester 1)**

Bil.	Tarikh bagi jenis calon		Perkara
	Sekolah/Institusi (Calon jenis 1, 2, 7, dan 8)	Persendirian Individu (Calon jenis 3)	
1	3 Sept 2020	3 Sept 2020	Taklimat oleh Sektor Pentaksiran dan Peperiksaan Jabatan Pelajaran Negeri/Pegawai Pelajaran Daerah (PPD) kepada kepada sekolah/institusi tentang pendaftaran calon sekolah/institusi secara <i>online</i> melalui <a href="http://www.mpm.edu.my">http://www.mpm.edu.my</a> atau <a href="http://online.mpm.edu.my">http://online.mpm.edu.my</a>
2	15 Jun 2020	15 Jun 2020	Pendaftaran calon sekolah/institusi dan calon persendirian individu bagi peperiksaan STPM 2021 secara <i>online</i> <b>dibuka</b> .
3	28 Ogos 2020	28 Ogos 2020	Pendaftaran calon sekolah/institusi dan calon persendirian individu bagi peperiksaan STPM 2021 secara <i>online</i> <b>ditutup</b> .
4	11 Sept 2020	11 Sept 2020	<p>Tarikh akhir Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pelajaran Negeri mengesahkan Senarai Pusat Peperiksaan [STPM/K9(JPN)] secara <i>online</i> dengan memastikan perkara yang berikut.</p> <ul style="list-style-type: none"> <li>(a) Tiada pusat dan calon yang tercicir</li> <li>(b) Mengenal pasti sekolah/institusi yang belum menjelas yuran pendaftaran untuk dimaklumkan kepada MPM</li> <li>(c) Mengenal pasti pusat yang ingin melanjutkan tempoh pendaftaran dan memaklumpkannya kepada MPM</li> <li>(d) Maklumat Calon Istimewa dari segi Penglihatan (Buta) (<b>STPM/K11.1</b>) diterima (jika ada).</li> </ul> <p>Maklumat Calon Istimewa dari Segi Penglihatan (Rabun), Anggota/Spastik, Pertuturan (Sengau), Pendengaran (Kurang Dengar/Pekak) [<b>STPM/K13(Pindaan 2018)</b>] diterima (jika ada).</p>

# Tempoh dan keperluan untuk mengadakan taklimat adalah tertakluk kepada keputusan JPN

Bil	Tarikh bagi jenis calon		Perkara
	Sekolah/Institusi (Calon jenis 1, 2, 7, dan 8)	Persendirian Individu (Calon jenis 3)	
5	5 September 2020	5 September 2020	Penghantaran borang Maklumat Calon Istimewa Dari Segi Penglihatan (Buta) ( <b>STPM/K11.1</b> ) dan borang Maklumat Calon Istimewa Dari Segi Penglihatan (Rabun), Anggota/Spastik, Pertuturan (Sengau), Pendengaran (Kurang Dengar/Pekak) [ <b>STPM/K13(Pindaan 2018)</b> ] oleh Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pelajaran Negeri ke MPM.
6	22 Januari 2021	22 Januari 2021	Laporan Pendaftaran Kemasukan Calon (LPKC) Semester 1 (S1) dimuatnaik ke portal MPM, <a href="http://www.mpm.edu.my">http://www.mpm.edu.my</a> untuk disemak dan dicetak oleh Setiausaha Peperiksaan (SUP) Sekolah/Institusi.
7	5 Februari 2021	5 Februari 2021	Tarikh akhir SUP mengemukakan salinan pembetulan maklumat calon dalam LPKC S1 kepada MPM (tertakluk kepada tarikh LPKC S1 dimuat naik ke portal MPM). [percuma]
8	22 Januari 2021	22 Januari 2021	Penghantaran Rumusan Kemasukan Calon (RKC/P) S1 dan slip meja oleh MPM ke Jabatan Pelajaran Negeri.
9	22 Januari 2021	22 Januari 2021	Tarikh <b>tutup</b> permohonan perpindahan pusat peperiksaan (tidak termasuk bagi calon yang gagal memasuki IPTA).
10	5 Oktober 2020	5 Oktober 2020	Tarikh akhir permohonan untuk menukar mata pelajaran, tambah mata pelajaran, dan menggugurkan mata pelajaran. ( <b>Berbayar mulai 6 Ogos 2020</b> )
11	22 Januari 2021	22 Januari 2021	Tarikh akhir Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pelajaran Negeri menghantar STPM/K12 (Senarai Pegawai Pengawasan STPM ke MPM.

\* Perubahan tarikh tertakluk kepada pindaan

## 2. SYARAT KELAYAKAN UNTUK MENDUDUKI PEPERIKSAAN

- 2.1 Calon yang mempunyai satu daripada kelayakan yang berikut, termasuk lulus Bahasa Melayu\* dalam peperiksaan Sijil Pelajaran Malaysia (SPM), layak menduduki peperiksaan Sijil Tinggi Persekolahan Malaysia (STPM).
- (a) Sijil Pelajaran Malaysia tahun 1999 atau tahun-tahun sebelumnya
  - (b) International General Certificate of Secondary Education (IGCSE)
    - (i) sekurang-kurangnya gred C bagi **tiga** mata pelajaran, **atau**
    - (ii) sekurang-kurangnya gred C bagi **dua** mata pelajaran dan lulus **empat** mata pelajaran
  - (c) GCE/SAP (Malaysia atau *Cambridge* dengan **tiga** kelulusan peringkat biasa\*\* yang diperoleh dalam satu peperiksaan)
  - (d) Sijil Pelajaran Malaysia tahun 2000 hingga tahun semasa yang diperoleh dalam satu peperiksaan dengan mendapat
    - (i) sekurang-kurangnya gred C bagi **tiga** mata pelajaran, **atau**
    - (ii) sekurang-kurangnya gred C bagi **dua** mata pelajaran dan lulus **empat** mata pelajaran
- 2.2 Calon calon swasta/persendirian individu, bukti kelulusan SPM di atas akan disemak oleh MPM. Sekiranya, tidak menepati kelayakan, pendaftaran calon akan dibatalkan
- 2.3 Calon yang mempunyai mana-mana kelayakan dalam/luar negeri yang setaraf dengan SPM hendaklah terlebih dahulu memohon kebenaran untuk mengambil peperiksaan STPM daripada MPM.

---

**Catatan:** \* Calon yang memenuhi syarat (d) tetapi gagal Bahasa Melayu atau Sejarah boleh menggunakan keputusan lulus Bahasa Melayu atau Sejarah yang diambil dalam peperiksaan SPM ulangan

\*\* Kelulusan peringkat biasa GCE/SAP bermakna kepujian pada peringkat SPM/MCE.

Kemasukan ke UA sila rujuk BPKP, [www.upu.moe.gov.my](http://www.upu.moe.gov.my)

### 3. MATA PELAJARAN YANG DITAWARKAN

Sebanyak 23 mata pelajaran ditawarkan dalam peperiksaan STPM 2021, iaitu seperti yang disenaraikan di bawah ini.

<i>Bil.</i>	<i>Kod</i>	<i>Mata Pelajaran</i>
1.	900	Pengajian Am
2.	910	Bahasa Melayu
3.	911	Bahasa Cina
4.	912	Bahasa Tamil
5.	913	Bahasa Arab
6.	920	Literature in English
7.	922	Kesusasteraan Melayu Komunikatif
8.	930	Syariah
9.	931	Usuluddin
10.	932	Tahfiz Al Quran
11.	940	Sejarah
12.	942	Geografi
13.	944	Ekonomi
14.	946	Pengajian Perniagaan
15.	948	Perakaunan
16.	950	<i>Mathematics (M)</i>
17.	954	<i>Mathematics (T)</i>
18.	958	<i>Information and Communications Technology</i>
19.	960	<i>Physics</i>
20.	962	<i>Chemistry</i>
21.	964	<i>Biology</i>
22.	966	Sains Sukan
23.	970	Seni Visual

---

**Catatan:** Maklumat lanjut sila rujuk Peraturan dan Skema Peperiksaan Sijil Tinggi Persekolahan Malaysia dan sukatan pelajaran peperiksaan bagi mata pelajaran yang berkenaan bagi tujuan pemilihan mata pelajaran dan kertas yang dipilih yang boleh didapati dan dimuat turun daripada portal MPM.

#### 4. PEMILIHAN MATA PELAJARAN

- 4.1 Sijil STPM merupakan sijil terbuka.
- 4.2 Dalam satu sesi peperiksaan calon boleh mengambil sekurang-kurangnya satu mata pelajaran dan selebih-lebihnya lima mata pelajaran. Jika calon mengambil lima mata pelajaran, satu daripadanya mestilah Pengajian Am.
- 4.3 Calon tidak boleh mengambil kombinasi mata pelajaran atau kertas yang tidak dibenarkan oleh sukatan pelajaran peperiksaan.
- 4.4 Calon jenis 1, 7, dan 8 **dibenarkan** untuk mengambil mata pelajaran yang tidak ditawarkan di sekolah/institusi (luar pakej sekolah) dengan syarat mata pelajaran yang hendak diambil itu mempunyai **kertas peperiksaan alternatif bertulis** yang menggantikan kerja kursus. Namun demikian, kelulusan untuk mengambil kertas peperiksaan alternatif bertulis ini di sekolah perlu **mendapat kebenaran MPM secara bertulis**. Pengetua sekolah bertanggungjawab memaklumkan kepada JPN berkenaan perkara ini. Pendaftaran calon yang ingin mengambil mata pelajaran yang tidak ditawarkan di sekolah/institusi hendaklah dihantar terus oleh Pengetua/Setiausaha Peperiksaan Sekolah/Institusi ke MPM (u.p. Setiausaha Bahagian Pengendalian STPM dan MUET) sebelum tarikh tutup pendaftaran semester 1 dan salinan ke JPN. Sekolah **tidak dibenarkan** meneruskan tawaran peperiksaan kertas alternatif bertulis ini sehingga **mendapat kelulusan MPM**.
- 4.5 Maklumat lanjut yang berkaitan dengan pemilihan mata pelajaran dan kertas yang perlu diambil boleh dirujuk dalam Peraturan dan Skema Peperiksaan Sijil Tinggi Persekolahan Malaysia 2020 dan sukatan pelajaran peperiksaan bagi mata pelajaran yang berkenaan di portal MPM, <http://www.mpm.edu.my>.

#### 5. Kerja Kursus (KK)

- 5.1 KK merupakan komponen yang wajib diambil oleh setiap calon dalam sistem pentaksiran baharu STPM. Kegagalan calon menjalankan KK akan menyebabkan keputusan bagi mata pelajaran tersebut mendapat gred X.
- 5.2 KK STPM terdiri daripada **tiga** bentuk kerja kursus, iaitu kertas projek, kajian lapangan, dan amali sains. Dalam aspek wajaran pula, peratusan wajaran yang ditawarkan dalam KK adalah berbeza mengikut mata pelajaran, iaitu antara 20% hingga 40%.
- 5.3 Manual KK bagi setiap mata pelajaran untuk guru dan calon boleh dimuat turun daripada portal MPM <http://www.mpm.edu.my> pada semester yang menawarkan KK.
- 5.4 Soalan KK boleh dimuat turun pada semester yang menawarkan KK melalui portal MPM.
- 5.5 **Calon yang ingin memperbaiki keputusan** peperiksaan STPM 2020 boleh memilih sama ada hendak melaksanakan Kerja Kursus atau tidak melaksanakannya mengikut pilihan yang berikut:
  - (a) Jika calon memilih untuk tidak melaksanakan Kerja Kursus, maka markah KK yang diperoleh oleh calon dalam peperiksaan STPM sebelumnya akan digunakan untuk skor KK tahun mengulang. Kemudahan ini hanya boleh digunakan **sekali sahaja** dan tidak boleh digunakan sekiranya calon mengulang peperiksaan STPM dua tahun atau lebih selepas menduduki peperiksaan pertama.

- (b) Jika calon memilih untuk melaksanakan Kerja Kursus yang baharu pada tahun mengulang, maka markah KK yang diperolehi oleh calon dalam peperiksaan STPM sebelumnya akan terbatal dan tidak boleh merayu untuk diambil markah Kerja Kursus STPM tersebut.

(Maklumat lanjut sila rujuk pada Perkara 3 dalam **Peraturan dan Skema Peperiksaan STPM 2020** tentang Pendaftaran Lewat).

- 5.6 Bagi calon yang mengambil **mata pelajaran baharu** berbanding tahun lepas dan tiada markah KK tahun sebelumnya, calon dikehendaki **mengambil kertas peperiksaan alternatif bertulis** yang menggantikan KK. Namun demikian, sekiranya mata pelajaran tersebut tidak menawarkan kertas peperiksaan alternatif bertulis yang menggantikan KK, calon dikehendaki melaksanakan KK (sila rujuk Senarai Mata Pelajaran dan Kertas pada halaman-halaman 27-32, Buku Peraturan Dan Skema Peperiksaan STPM). [ Guna pakai untuk peperiksaan mulai 2020 ]
- 5.7 Maklumat lanjut, sila rujuk Peraturan dan Skema Peperiksaan STPM ( Guna pakai untuk peperiksaan mulai 2020 )

## 6. BAYARAN PEPERIKSAAN

- 6.1 Bayaran asas : **RM120.00**
- 6.2 Bayaran untuk setiap mata pelajaran : **RM90.00 per mata pelajaran**
- 6.3 Calon sekolah kerajaan dan sekolah bantuan kerajaan (calon jenis 1, 7, dan 8) **dikecualikan** daripada membayar yuran peperiksaan.
- 6.4 Bagi calon sekolah swasta (calon jenis 2) dan calon persendirian individu (calon jenis 3), bayaran perlu dibuat dengan cara membeli nombor PIN MEC daripada kaunter atau kiosk Bank Simpanan Nasional (BSN) atau secara perbankan internet. Maklumat lanjut sila layari <http://www.mpm.edu.my>  
Nota: **BSN akan mengenakan caj sebanyak RM1.00 bagi setiap pembelian nombor PIN MEC. PIN MEC hanya sah digunakan untuk peperiksaan pada tahun/penggal semasa sahaja.**
- 6.5 Calon sekolah swasta dan calon persendirian individu hendaklah membayar yuran peperiksaan secara sekaligus mengikut kadar berikut.

<i>Kadar Bayaran</i>	
<i>Bilangan mata pelajaran didaftarkan</i>	<i>Kadar bayaran (RM)</i>
1 mata pelajaran	210.00
2 mata pelajaran	300.00
3 mata pelajaran	390.00
4 mata pelajaran	480.00
5 mata pelajaran	570.00

- 6.6 Bagi calon jenis 2 dan jenis 3 yang ingin menangguhkan tahun peperiksaan STPM diminta untuk mendapatkan kelulusan dari pihak MPM dan perlu membuat bayaran asas sebanyak RM120.00 beserta salinan surat kelulusan tersebut. Bayaran tersebut perlu dihantarkan terus ke MPM semasa pendaftaran baharu (tahun semasa) dibuka.
- 6.7 Bayaran yang telah dibuat akan terpapar pada **Penyata Pendaftaran STPM (STPM/PP)** untuk rujukan calon.



- 6.8 Pendaftaran untuk menduduki peperiksaan STPM hanya dibuka pada semester 1 dan semester 2 sahaja. PIN MEC yang dibeli (merangkumi pendaftaran STPM untuk semester 1, semester 2, dan semester 3) hanya boleh digunakan untuk membuat pembayaran peperiksaan STPM pada penggal **tahun semasa sahaja** (PIN MEC yang dibeli untuk pendaftaran STPM pada semester 1 akan tamat tempohnya pada tarikh tutup pendaftaran semester 1. Calon yang akan mendaftar STPM pada semester 2 hendaklah membeli PIN MEC pada semester 2).

## 7. CARA PENDAFTARAN CALON PEPERIKSAAN

### 7.1 Calon Sekolah/Institusi

- (a) Pendaftaran calon sekolah/institusi dibuat secara *online* melalui portal MPM, <http://www.mpm.edu.my> atau <http://online.mpm.edu.my>
- (b) Pendaftaran calon sekolah kerajaan dan bantuan kerajaan untuk menduduki peperiksaan pada semester 1, semester 2, dan semester 3 dibuat **sekaligus** pada semester 1. Calon sekolah kerajaan akan menduduki peperiksaan pada semester yang ditetapkan dan tidak dibenarkan untuk memilih semester bagi tujuan menduduki peperiksaan **kecuali** disebabkan kes-kes tertentu yang mendapat kebenaran daripada MPM.
- (c) Pendaftaran bagi **calon sekolah swasta** boleh dibuat pada **semester 1 atau semester 2**. Calon sekolah swasta yang mendaftar pada semester 1 akan menduduki peperiksaan STPM pada semester 1, semester 2 dan semester 3, Manakala calon sekolah swasta yang mendaftar pada semester 2, akan menduduki peperiksaan pada semester 3, ulangan semester 1 dan ulangan semester 2 .
- (d) Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pendidikan Negeri hendaklah terlebih dahulu mengemaskinikan maklumat sekolah/institusi yang akan menjadi pusat peperiksaan sebelum pendaftaran dibuka.
- (e) Pengetua sekolah/institusi hendaklah memaklumkan nama Setiausaha Peperiksaan (SUP) sekolah/institusinya kepada Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pendidikan Negeri dan Pegawai Pendidikan Daerah (PPD).
- (f) Taklimat tentang kaedah pendaftaran secara *online* di peringkat daerah kepada semua SUP sekolah/institusi hendaklah diberikan oleh PPD.
- (g) Pihak sekolah/institusi juga boleh mendapatkan maklumat tentang pendaftaran calon peperiksaan untuk sekolah/institusi melalui portal MPM.
- (h) Pihak sekolah/institusi perlu mendapatkan Nama Pengguna dan Kata Laluan daripada Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pendidikan Negeri untuk masuk ke dalam sistem pendaftaran *online* ini. SUP sekolah/institusi dinasihatkan untuk memuat turun/mencetak **Manual Sekolah** dalam <http://www.mpm.edu.my> yang terpapar pada ikon sekolah untuk rujukan sebelum memulakan aplikasi sistem pendaftaran *online* tersebut.
- (i) Pengetua sekolah/institusi hendaklah mengarahkan SUP untuk mengurus pendaftaran sekolah/institusinya dengan mengambil tindakan yang berikut:
  - (i) Mengemaskini maklumat sekolah yang terdapat dalam sistem pendaftaran *online*
  - (ii) Mengisi data maklumat pendaftaran calon bagi sekolah/institusinya yang ingin menduduki peperiksaan

- (iii) Mengenalpasti calon istimewa dari segi penglihatan (buta atau rabun), anggota (spastik), pendengaran (kurang dengar/pekak), pertuturan (sengau), dan selain daripada yang dinyatakan, dan mendaftarkannya bersama-sama dengan calon lain tetapi **pemberitahuan** bahawa calon tersebut adalah calon istimewa dan kemudahan yang dipohon adalah seperti tindakan pada **para 7**.
- (iv) Memastikan nombor PIN MEC disediakan dengan secukupnya oleh calon sekolah/institusi yang ingin menduduki peperiksaan (bagi calon sekolah swasta sahaja).
- (v) Menyemak maklumat awal pendaftaran calon melalui penyata pendaftaran (STPM/PP) seperti ejaan nama, nombor Kad Pengenalan, pusat untuk menduduki peperiksaan, mata pelajaran, kertas yang diambil dan maklumat lain yang tercatat pada STPM/PP adalah betul, dan mengemaskininya jika terdapat pindaan oleh calon sebelum talian pendaftaran *online* di sekolah ditamatkan. STPM/PP ini boleh digunakan sebagai bukti pendaftaran telah dibuat bagi menuntut Slip Laporan Pendaftaran Kemasukan Calon (LPKC) calon (jika maklumat calon tiada dalam semakan LPKC di portal MPM).
- (vi) Memastikan data maklumat pendaftaran calon adalah betul sebelum talian pendaftaran *online* di sekolah/institusi ditamatkan
- (vii) Menyemak Slip Laporan Pendaftaran Kemasukan Calon (LPKC) bagi calon sekolah/institusinya dan memastikan LPKC dicetak oleh calon sebagai tiket untuk menduduki peperiksaan (rujuk para 9.2)
- (viii) Memaklumkan maklumat calon sekolah/institusinya yang tercicir kepada Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pendidikan Negeri atau MPM jika terdapat calon yang telah didaftarkan tiada dalam semakan LPKC dengan kadar **SEGERA**
- (ix) Mematuhi tarikh akhir talian pendaftaran *online* dibuka dan penghantaran maklumat pendaftaran/bahan/dokumen pendaftaran yang berkaitan seperti yang telah ditetapkan oleh Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pendidikan Negeri.

## 7.2 Calon Persendirian individu

- (a) Pendaftaran calon persendirian individu dibuat secara *online* melalui portal MPM, <http://www.mpm.edu.my> atau <http://online.mpm.edu.my>
- (b) Pendaftaran bagi **calon persendirian individu** boleh dibuat pada **semester 1 atau semester 2**. Calon persendirian individu yang mendaftar pada semester 1 akan menduduki peperiksaan STPM pada semester 1, semester 2 dan semester 3, Manakala calon persendirian individu yang mendaftar pada semester 2, akan menduduki peperiksaan pada semester 3, ulangan semester 1 dan ulangan semester 2 .
- (c) Calon persendirian individu dinasihatkan supaya mendapatkan maklumat tentang pendaftaran peperiksaan melalui portal MPM dan merujuk kepada **Manual Calon Persendirian Individu** yang terpapar pada <http://www.mpm.edu.my> / manual pengguna untuk rujukan sebelum memulakan aplikasi sistem pendaftaran *online* tersebut.

- (d) Calon boleh memilih pusat peperiksaan yang dikehendaki semasa membuat pendaftaran secara *online* tetapi **penentuan pusat adalah tertakluk kepada Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pendidikan Negeri**. Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pendidikan Negeri berhak untuk memindahkan calon persendirian individu ke pusat lain selain daripada yang telah dipilih.
- (e) **Menyemak maklumat awal pendaftaran** melalui slip pendaftaran STPM/PP seperti ejaan nama, nombor Kad Pengenalan, pusat untuk menduduki peperiksaan, mata pelajaran, kertas yang diambil dan maklumat lain yang tercatat pada STPM/PP adalah betul, dan mengemaskinikannya sendiri sebelum talian pendaftaran *online* ditutup. STPM/PP ini boleh digunakan sebagai bukti pendaftaran telah dibuat bagi menuntut Slip Laporan Pendaftaran Kemasukan Calon (LPKC) calon (jika maklumat calon tiada dalam semakan LPKC di portal MPM). (Rujuk para 9.2)
- (f) Calon istimewa dari segi penglihatan (buta atau rabun), anggota (spastik), pendengaran (kurang dengar/pekak), pertuturan (sengau), dan selain daripada yang dinyatakan juga mendaftar secara *online* tetapi  **pemberitahuan** bahawa calon tersebut adalah calon istimewa dan kemudahan yang dipohon adalah seperti tindakan pada **para 8**.

## 8. CALON ISTIMEWA

- 8.1 Calon istimewa dari segi penglihatan (buta atau rabun), anggota (spastik), pendengaran (kurang dengar/pekak), pertuturan (sengau), dan selain daripada yang dinyatakan hendaklah dimaklumkan kepada MPM melalui Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pendidikan Negeri dengan kadar **SEGERA**.
- 8.2 Maklumat tentang ketidakupayaan dan kemudahan yang dipohon hendaklah dimaklumkan dengan jelas dan lengkap dalam borang **STPM/K13** mengikut jenis ketidakupayaan. Sila sertakan salinan dokumen sebagai bukti ketidakupayaan yang dialami seperti laporan perubatan, Kad Jabatan Kebajikan Masyarakat, dan pengesahan Pengetua (jika calon sekolah/institusi). **Kemudahan yang boleh diberikan kepada calon istimewa hanya akan dipertimbang jika borang STPM/K13 diterima oleh Majlis Peperiksaan Malaysia.**
- 8.3 Borang **STPM/K11.1** atau **STPM/K13(Pindaan 2018)** dapat diperoleh dan dicetak daripada portal MPM atau semasa membuat pendaftaran secara online. Borang yang telah lengkap diisi hendaklah dihantar berserta dengan salinan dokumen sokongan ke MPM melalui Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pendidikan Negeri (alamat Ketua Penolong Pengarah atau Ketua Penolong Pengarah Kanan Sektor Pentaksiran dan Peperiksaan, Jabatan Pendidikan Negeri dapat diperoleh daripada portal MPM). Untuk mendapatkan borang yang berkaitan, sila klik borang **STPM/K11.1** atau **STPM/K13 (Pindaan 2018)**.

## 9. TARIKH PENDAFTARAN DAN TARIKH PEPERIKSAAN

Sila rujuk Kalendar Peperiksaan STPM 2021 di portal Majlis Peperiksaan Malaysia.

**NOTA:** Perkara lain berkaitan dengan peperiksaan STPM hendaklah merujuk Buku Panduan dan Skema Peperiksaan STPM (Guna pakai untuk STPM mulai 2020) . Buku peraturan ini boleh dimuat turun daripada portal MPM.

**HALAMAN KOSONG**

Majlis Peperiksaan Malaysia (MPM) merupakan Badan Berkanun Persekutuan di bawah Kementerian Pendidikan Malaysia. Ia ditubuhkan di bawah Akta Parlimen, Akta Majlis Peperiksaan Malaysia 1980 [Akta 225]. MPM merupakan sebuah badan pentaksiran yang diiktiraf di Malaysia untuk mengelolakan peperiksaan Sijil Tinggi Persekolahan Malaysia (STPM), ujian *Malaysian University English Test* (MUET) mengikut sesi dan mengikut kaedah *MUET on Demand* (MoD), dan Ujian Sijil Kecekapan Bahasa Melayu bagi Warganegara Asing (SKBMW). Sijil STPM telah diiktiraf pada peringkat antarabangsa, dan MPM telah berkolaborasi dengan Cambridge Assessment, United Kingdom sejak tahun 1980. Di samping itu, MUET telah disejajarkan dengan *The Common European Framework of Reference for Languages* (CEFR) dan diiktiraf serta diterima oleh beberapa universiti terkemuka di luar negara.



Majlis Peperiksaan Malaysia  
Persiaran 1  
Bandar Baru Selayang  
68100 BATU CAVES  
Selangor, Darul Ehsan  
[www.mpm.edu.my](http://www.mpm.edu.my)  
0361261600  
0361367329  
Edisi 13 JULAI 2020